

मावची गीत

१.आपे कादोनाय हेय वोगर ईसू देवे

आपे कादो नाय हेय वोगर ईसू देव ।
होरगा कोळी नाय मिळे वोगर ईसू देव ॥१॥
पोयसाहा मिळकती तुमा अभिमान कोंअतेंहे ।
मोता हादणो येहे तोवे पोयसा इहीज रोटहा ॥१॥
माअहे डाये एअतेंहे तोवे खाय,पी मोजा कोअतेहे ।
मोजा कोअरा हाटी ते होरो दीने पितहें ॥२॥
कादवा पाथारी कादू फांगना कादवामे जानारे हेते ।
योक दीही आपे बादहाल मोत येनारो हेतो ॥३॥
ईसू देवे खोरी माया कोअयी त्याआ माया खोरी ।
तोज हेतो जीवतो देव तोज रोई आपे आरी ॥४॥
सुखदुखामे मोदत कोअनारो ईसू देव हेतो ।
जोलामजुग्यो सुख देनारो ईसू एकुज हेतो ॥५॥

२ ईसू मांआं बोचावनारो

ईसू मांआं बोचावनारो । मान गोमे खूब हारो ॥१॥
जोवे जोवे दुख येहे । हात कोअता सुख देहे ॥२॥
कोलो गोरीब ईसू जायो । बोचावनारो मांआं जायो ॥३॥
काय आखू त्याआ माया । माफी देहे कोई दया ॥४॥

आयही रोको देहे धीर | आमी तेबी मांआईही फीर||५||

ईमानामे मोजबूत कोओ | सेवामे उपयोगी कोओ ||६||

३.ख्रिस्ता तुल सोडीन केस जाऊ

तुल सोडीन ईसू जाव केस | तुल सोडीन ईसू जाव केस,||धृ||

तुल सोडीन जायना बोसम कोळी हेय |आगी दो-यो तांआं हेय ||१||

पापी आंय भारी हेतो | तोओ वाचि मान धाक हेतो ||२||

गुन्हां माफी मांआं कोओ | हाद मान तोओ गोओ ||३||

जुग दोरतीमे तुज बोचावनारों | तोओ वाची कादो नाय बीहरो ||४||

तोओ आरी रोआं आत्मा देजे | सेवट होरगामे मान लेजे ||५||

तोओ वाची मान सुख नाय हेतों | होरगा कोळी सुख मोठों ||६||

४.खूब आनंद आम्हाल हेय

मोठो आनंद आम्हाल एअहेरा |

आमां पाप्याहाल ईसू देवें काडी लेदेरा |

आमें गुन्हां माफी आम्हाल मिळी गोयीरा ||धृ||

काळ्या बुता ताबामाने काडी लेदेरा |

कोहडाज धाक नाई आम्हाल रोयोरा ||१||

आमे बाट ईसू देवे काडी टाक्योरा ।

जीवता देवा आमा पोहे जायेरा ॥२॥

आमाहाल आंमी होरगा मिळीरा ।

त्याआ लोयासे होरगा मिळीरा ॥३॥

५.ईसू राजा मांआं देव

ईसू राजा देव मांआं । ईसू राजा देव ।

जीवतो जागतो देव मांआं । जीवतो जागतो देव ॥४॥

होरग्यो सुख सोडयो । गोरीबिमाय पोडयों ।

पाप्याहाल तारां येनो । किंमती जीव देनो ।

बोचावनारो देव मांआं, बोचावनारो देव ॥१॥

हुळी खांबावे चोडयो । चोख्खों लोई पाडयों ।

मांहणामाने उठयो । ईसू होरगे चोडयो ।

जीवतो जागतो देव मांआं , जीवतो जागतो देव ॥२॥

पापहा डोंड बोअयो । मान सुटो कोअयो ।

देवा पोहो कोअयो । होरगा वारीस जायो ।

होना मेहेलाम रोही आंय, होना मेहेलाम रोहीं ॥३॥

ईसू सेवा कोअहीं । त्याआ साक्षी दीहीं ।

बादी जिंदगी खोर्चीहीं । मोनमे जागो दीहीं ।

मोअये जीवें सेवा कोअहीं, सेवा त्याआ कोअहीं ॥४॥

६.ईसू देवावे हौरगा मागना

ईसू दयाळू खूब दयाळू खूब।

तेबी लोकहाय देना दुख ॥१॥

दया कोईने दुन्यामे येनो । लोकहाल सुख देनो, सुख देनो ॥१॥

बुता आरी लोडीने जिती लेदे । ताबामाने काडी लेदे, काडी लेदे ॥२॥

पागे फिरीनें गोठ्यो आख्यो । बुख्यहाल देन्यो बाख्यो, देन्यो बाख्यो ॥३॥

हजारो दुःखे हारे कोअयये । दुख्यहाल सुखी कोअये, सुखी कोअये ॥४॥

बुताआ लोकहाय चेहेटा कोअयी । तुये ती सहन कोअयी,सहन कोअयी ॥५॥

हुळी उपे चोडी देनो जीव । तूं खोरों मायाळू देव, मायाळू देव ॥६॥

चोख्यो लोई मांयेहाटी पाडी । होरगे गोयो चोडी,गोयो चोडी ॥७॥

तोओ लोयासे मान माफी मिळी । होरगामे सुख मिळी, सुख मिळी ॥८॥

दयाळू ईसू गीतें आखहू । होर्गामें आरी रोहुं, आरी रोहुं ॥९॥

ओहडा देवा पागे लागा । होरगा कोळी त्यावे मागा, त्यावे मागा ॥१०॥

७.ईसू देवा साक्षी दाहा का?

ईसू राजा हारी गोठ या दुनियाल आखहा का?

हालेलुया हालेलुया दिनें तुमा कोअहा का?

पवित्र शास्त्र आरी लेयने ।

पवित्र आत्मा गोती लेयने ।

राजहां राजा ईसू देवा साक्षी तुमां दाहा का ?॥१॥

वाजो तबला आरी लेयने।

जांजा चीपळ्या आरी लेयने ।

तारणारा ईसू गुरु सदा स्तुती कोअहा का? ॥२॥

पाप्याहा बोचावनारो ईसू हेतो ।

गुन्हां माफी ईसू देनारो हेतो ।

शांती देनारा ईसू गुरु दीने साक्षी दाहा का? ॥३॥

हुळी खांबे ईसू चोडयो ।

पवित्र लोई ईसूय पाडयो ।

पापहा डोड बोअनारा ईसू गोठ तुमा आखहा का? ॥४॥

माहणामाने ईसू उठ्यो ।

होरगा कोळी ईसू चोड्यो ।

सदा जीवता ईसू राजा सदा साक्षी दाहा का? ॥५॥

८.ईसू पाळनारो स्तोत्र २३

ईसू मांआं गोवाळ हेय जाते ।

मान बिखे नाय लागे कदी वाटे ॥२॥

लीलुड्या वाडयोमें चारा लि जाहे ।

शांत पायां जागे लीई जाहे ॥२॥

मान रोज रोज आनंद माय राखेहेरा राखेहे ईसू मा. ॥१॥२॥

आडो मारगे माने वाळी लीजाहे ।

मोता खाणीमाने चालाडी लेहे ॥२॥

तेरु बिख नांय मान काई लागेहेरा लागेहे ईसू मा.॥२॥(२)

थाकी जाहुं तोवे उसली तो लेहे ।

पोडी जाहुं तोवे उठाडी देहे ॥(२)

मांआं रातदीही काळजी तो राखहेरा राखहे ईसू.मा. ॥३॥(२)

मोठी दया मे त्या मोठी भलाई ।

जीदगी दीही हुदी मांआं आरी रोहे ॥(२)

आई सदाकाळ रोंही त्या मारगेरा मारगे ईसू मा.॥४॥(२)

९.भक्तीहाटी आमंत्रण .

चाला बाहां बोअही बादे मिळीने ।

खोरा ईसू देवा आपा भक्ती कोअहुं ॥धृ॥

भक्ती कोअहुं भक्ती कोअहुं ।

खोरा ईसू देवा आपा भक्ती कोअहुं ॥१॥

हा-यो गोठ्यो काढीन मोनापाने ।

आपा बादे त्याआ गीतें आखहुं ॥२॥

कान देईन मोन लावीन ।

शास्रवचन - त्याआ आपा वोनायुंहू ॥३॥

खोरा मोने आत्मा गोतीसे ।

त्याआ प्रार्थना आपा कोअहुं ॥४॥

त्याआ सेवेहाटी कुडी, मन, धन ।

अर्पण त्याले आपा कोअहुं ॥५॥

१०. ईसू देवा कोअली माया

ईसू देवे आमाहावे माया कोअयी ।

होरगा कोळी सुख त्याग कोअयो ।

१. मरियम कुवारी पेटे जोम्यो । डोगराहां गोठो तुल गोम्यो ।

आमेहाटी गोरीब तूं जायो, आमेहाटी गोरीब तूं जायो ।

२. जुगामें दूत गीतें आखें । दोरतीवे तोओ गीतें आखें ।

जुग दुन्यामे गोठ आखें, जुग दुन्यामे गोठ आखे ।

३. बुताहा आरी लोडाय ली माया देखाडी । सुटे कोअये वाट देखाडी ।

आम्हाल तोओ मोठी माया देखाडी, आम्हाल तोओ मोठी माया देखाडी ।

४. फासी उपे चोडी तुये माया देखाडी । लोय पाड्यो तुये वाट देखाडी ।

होरगामे जांआं हाटी वाट देखाडी, होरगामे जांआं हाटी वाट देखाडी ।

५. आमेहाटी भारी दुःख उठाव्यो । आमाहाल गुन्हा माने बोचाव्यो ।

आमाहावे तोओ मोठी हेय माया, आमाहावे तोओ मोठी हेय माया ।

